

PRIMA DIE NON IMPEDITA POST IV. JANUARIII.

IN FESTO

SANCTI TITI EPISCOPI
CONFESSORIS.

INTROITUS.

Eccli. 45.

Státuit ei Dóminus testaméntum pacis: et príncipem fecit eum: ut sit illi sacerdotii dignitas in aetérnum.

Psalm. 131. Meménto Dómine David: et omnis mansuetúdinis ejus.

℟. Glória Patri etc.

ORATIO.

Deus, qui beátum Titum Confessórem tuum atque Pontíficem apostólicis virtútibus decorásti; ejus méritis, et intercessióne concéde, ut juste, et pie vivéntes in hoc saeculo, ad coeléstem patriam pervenire mereámur. Per Dóminum nostrum Jesum Christum etc.

Inde Commem. Feriae, si in Quadragesima.

Léctio libri Sapiéntiae.

Eccli. 44. et 45.

Hecce sacerdos magnus, qui in diébus suis placuit Deo, et invéntus est justus: et in témpore iracúndiae factus est reconciliátio. Non est invéntus símilis illi, qui conservávit legem Excélsi. Ideo jurejurándo fecit illum Dóminus créscere in plebem suam. Benedicciónem ómnium géntium dedit illi, et testaméntum suum confirmávit super caput ejus. Agnóvit eum in benedicció nibus suis: conservávit illi misericórdiam suam: et invenit grátiam coram óculis Dómini. Magnificávit eum

in conspéctu regum: et dedit illi corónam glóriæ. Státuit illi testaméntum aetérnum, et dedit illi sacerdotium magnum: et beatificávit illum in glória. Fungi sacerdotio, et habére laudem in nómine ipsíus; et offerre illi incénsus dignum, in odórem suavitátis.

Graduale. Eccli. 44. Ecce sacerdos magnus, qui in diébus suis placuit Deo.

℟. Non est invéntus símilis illi, qui conserváret legem Excélsi. Allelúja, allelúja.

℟. *Psalm. 109. Tu es sacerdos in aetérnum, secúndum ór dinem Melchisedech. Allelúja.*

Post Septuagesimam, omissis Allelúja, et Versu sequenti, dicitur:

Tractus. Psal. 111. Beátus vir, qui timet Dóminum: in mandátis ejus cupit nimis.

℟. Potens in terra erit semen ejus: generátio rectórum benedicétur.

℟. Glória, et divítiae in domo ejus: et justítia ejus manet in saeculum saeculi.

Tempore Paschali omittitur Graduale, et ejus loco dicitur, Allelúja, allelúja.

℟. *Psalm. 109. Tu es sacerdos in aetérnum, secúndum ór dinem Melchisedech. Allelúja.*

℟. Hic est sacerdos, quem coronávit Dóminus. Allelúja.

Sequéntia Sancti Evangélii secúndum Lucam.

Luc. 10. 1.

In illo témpore: Designávit Dóminus et álios septuagínta duos: et misit illos binos ante fáciem suam, in omnem civitátem et locum, quo erat ipse ventúrus. Et dicébat illis: Messis quidem multa, operárii autem pauci. Rogáte ergo Dóminum messis, ut mittat operários in messem suam. Ite: Ecce ego mitto vos sicut agnos inter lupos. Nolíte portáre sácculum, neque peram, neque calceaménta, et néminem per viam salutavéritis. In quamcúmque domum intravéritis, primum dicite: Pax huic dómui: Et si ibi fúerit filius pacis, requiéscet super illum pax vestra; sin autem ad vos revertétur. In eádem autem domo manéte, edéntes et bibéntes, quae apud illos sunt: dignus est enim operárius mercéde sua. Nolíte transíre de domo in domum. Et in quamcúmque civitátem intravéritis, et suscéperint vos, manducáte quae apponúntur vobis: et curáte infír-

mos, qui in illa sunt, et dícite illis: Appropinquávit in vos regnum Dei.

Offertorium. Psal. 88. Inveni David servum meum, óleo sancto meo unxi eum: manus enim mea auxiliábitur ei, et bráchium meum confortábit eum.

SECRETA.

Sancti tui, quaesumus Dómine, nos ubique laetíficent: ut dum eórum mérita recólimus, patrocínia sentiámus. Per Dóminum nostrum.

Communio. Luc. 12. Fidélis servus, et prudens, quem constituit dóminus super famíliam suam: ut det illis in témpore trítici mensúram.

POSTCOMMUNIO.

Praesta quaesumus omnipotens Deus: ut de percéptis munéribus grátias exhibéntes, intercedénte beáto Tito Confessóre tuo, atque Pontífice, beneficia potióra sumámus. Per Dóminum.

DIE I. FEBRUARII.

PRO COMM. S. BRIGIDAE VIRG.

ORATIO.

Sanctae Brígidae, Vírginis tuae, Dómine, quaesumus, precátio tibi grata nos ádjuvet: et tuam nobis indulgéntiam póscere non desístat. (Per Dóminum.)

SECRETA.

Munéribus nostris, Dómine, sanctae Brígidae, vírginis tuae,

fésta celebrántes, praesta quaesumus; ut, quae peccatórum nostrórum praepediúntur obstáculis, illius méritis tibi reddántur accépta.

POSTCOMMUNIO.

Quaesumus, omnipotens Deus; ut, cujus nos commemoratióne tribuis gaudére, ejus memóriae fácias veráciter imitatóres.

DIE VIII. DECEMBRIS.
IN FESTO
IMMACULATAE CONCEPTIONIS
BEATAE MARIAE VIRGINIS.

INTROITUS.

Ps. 65.

Veníte, et vidéte, et narrábo vobis, omnes qui timétis Deum, quanta fecit Dóminus ánimae meae.

Ps. 102. Bénedic ánima mea Dómino, et ómnia quae intra me sunt, nómini sancto ejus.

Glória Patri, et Fílio, et Spirítui Sancto. Veníte.

ORATIO.

Deus, qui per immaculátam Vírginis Conceptionem dignum Fílio tuo habitáculum praeparásti, ejus nobis intercessióne concéde, ut cor et corpus nostrum immaculátum Tibi, qui Eam ab omni labe praeservásti, fidéliter custodiámus. Per eúmdem Dóminum nostrum Jesum Christum Filium tuum: Qui tecum vivit et regnat in unitáte Spíritus sancti Deus: per ómnia saecula saeculórum.

Léctio Libri Sapiéntiae.

Prov. 8.

Dóminus possédit me in inítio viárum suárum, ántequam quidquam fáceret a princípio. Ab aetérno ordináta sum, et ex antíquis, ántequam terra fieret. Nondum erant abýssi, et ego jam concépta eram: necdum fontes aquárum erúperant: necdum montes gravi mole constiterant: ante colles ego parturiébar: adhuc terram non fécerat, et flúmina, et cárdines orbis terrae. Quando praeparábat caelos, áderam:

quando certa lege, et gyro vallábat abýssos: quando aethera firmábat sursum, et librábat fontes aquárum, quando circúmdabat mari términum suum, et legem ponébat aquis ne transírent fines suos: quando appendébat fundaménta terrae. Cum eo eram cuncta componens: et delectábar per síngulos dies: ludens coram eo omni tēpore, ludens in orbe terrárum: et delíciae meae esse cum fíliis hóminum. Nunc ergo, filii, audíte me: Beáti qui custódiunt vias meas. Audíte disciplínam, et estóte sapientes, et nolíte abjícere eam. Beátus homo qui audit me, et qui vígilat ad fores meas quotidie, et obsérvat ad postes óstii mei. Qui me invénerit, invéniet vitam, et háuriet salútem a Dómino.

Graduale. Sapiéntia aedificávit sibi domum, excídit colúmnas septem.

ꝫ. Sanctificávit tabernáculum suum Altíssimus: Deus in médio ejus non commovébitur. Allelúja, Allelúja.

ꝫ. Ave María grátia plena: Dóminus tecum. Allelúja.

Post Septuagesimam, omissis Allelúja, et ꝫ. seq. dicitur.

Tractus. Fecit mihi magna qui potens est, et sanctum nomen ejus.

ꝫ. Misericórdia ejus a progénie in progénie timéntibus eum.

ꝛ. Fecit poténtiam in bráchio suo, dispérsit supérbos mente cordis sui.

Tempore Paschali omittitur Graduale, et ejus loco dicitur: Allelúja, Allelúja.

ꝛ. Sanctificávit tabernáculum suum Altíssimus: Deus in médio ejus non commovébitur. Allelúja.

ꝛ. Fundaménta ejus in móntibus sanctis. Díligit Dóminus portas Sion super ómnia tabernácula Jacob. Allelúja.

Inítium Sancti Evangélij secúndum Matthaeum.

Cap. 1.

Liber generatiónis Jesu Christi filii David, filii Abraham. Abraham genuit Isaac. Isaac autem genuit Jacob. Jacob autem genuit Judam, et fratres ejus. Judas autem genuit Phares et Zamar de Thamar. Phares autem genuit Esron. Esron autem genuit Aram. Aram autem genuit Amínadab. Amínadab autem genuit Naásson. Naásson autem genuit Salmon. Salmon autem genuit Booz de Rahab. Booz autem genuit Obed ex Ruth. Obed autem genuit Jesse. Jesse autem genuit David regem. David autem rex genuit Salomónem ex ea quae fuit Uríae. Sálomon autem genuit Róboam. Róboam autem genuit Abíam. Abías autem genuit Asa. Asa autem genuit Jósaphat. Jósaphat autem genuit Joram. Joram autem genuit Ozíam. Ozías autem genuit Jóatham. Jóatham autem genuit Achaz. Achaz autem genuit Ezechíam. Ezechías autem genuit Manássen. Manásses autem genuit Amon. Amon autem genuit Josíam. Josías autem genuit Jechoníam, et fratres ejus in trans-

migratióne Babylónis. Et post transmigratiónem Babylónis, Jechonías genuit Saláthiel. Saláthiel autem genuit Zoróbabel. Zoróbabel autem genuit Abiud. Abiud autem genuit Eliacim. Eliacim autem genuit Azor. Azor autem genuit Sadoc. Sadoc autem genuit Achim. Achim autem genuit Eliud. Eliud autem genuit Eleázar. Eleázar autem genuit Mathan. Mathan autem genuit Jacob. Jacob autem genuit Joseph virum Maríae, de qua natus est Jesus, qui vocátur Christus.

Credo. et dicitur per totam Oct. etiam in festis intra eam occurrentibus.

Offertorium. Misit Deus misericórdiam suam, et veritátem suam: animam meam erípuit de médio catulórum leónum.

SECRETA.

Fac nos, clementíssime Deus, puris méntibus praesens tibi munus offerre, qui in corde Beátae Maríae Vírginis puram ab omni labe mansiónem praeparásti Jesu Christo Filio tuo, Dómino nostro, qui tecum vivit et regnat in unitáte Spíritus Sancti.

Praefatio. Et Te in Conceptione immaculáta et sic dicitur per totam Octavam et in Missis votivis.

Communio. Cant. 6. Ego dilecto meo, et dilectus meus mihi, qui páscitur inter lilia. Allelúja.

POSTCOMMUNIO.

Mensae caeléstis pasti deliciis, tuam, Deus misericórdiam implorámus, ut Sanctíssimae Vírginis Maríae, quae semper tibi plácuít, précibus adjúti, nullis a te tentatióibus separémur. Per Dóminum nostrum Jesum Christum.